

ს ა ქ ა რ თ ვ ე ლ ო  
ხონის მუნიციპალიტეტის საკრებულოს  
2018 წლის 28 მარტის სხდომის  
ოქმი N7

# ხონის მუნიციპალიტეტის საკრებულოს სხდომის

## ოქმი N 7

ქ. ხონი

28 მარტი, 2018წელი

2018 წლის 28 მარტს საკრებულოს სხდომათა დარბაზში გაიმართა ხონის მუნიციპალიტეტის საკრებულოს მორიგი სხდომა. სხდომას თავმჯდომარეობდა საკრებულოს თავმჯდომარე ვალერი ბახტაძე. სხდომას საკრებულოს 28 წევრიდან ესწრებოდა: კობა კუბლაშვილი, არსენ ბენდელიანი, ნანა ბახტაძე, ჯუნგლი გოდერიძე, ალიკო ვეკუა, ზაზა რუხაძე, ზაზა ვაშავიძე, სერგო ჯალაღანია, მაკა ტაბიძე, მათე ჩანქსელიანი, ოლეგი ვაჭარაძე, ტარიელ ბარაბაძე, ლია ღაჭავა, დავით ჯიშვარიანი, შორენა კაკაბაძე, თამაზი ცაგარეშვილი, ია სულუხია, შორენა ჭოლოვავა, ლევან ბობოხიძე, ირაკლი ბახტაძე.

სხდომას ასევე ესწრებოდნენ: მერიის საფინანსო-საბიუჯეტო სამსახურის უფროსი ლევან ჩიხლაძე და შეზღუდული შესაძლებლობის მქონე პირთა დღის ცენტრის წარმომადგენლები.

სხდომა დაიწყო: 12 საათზე.

სხდომა დასრულდა: 13 საათზე.

### დღის წესრიგი:

1. ხონის მუნიციპალიტეტის ვებგვერდის დებულების დამტკიცების შესახებ.  
მომხსენებელი: ამირან კინწურაშვილი - მერიის ადმინისტრაციული სამსახურის უფროსი
2. საჯარო ინფორმაციის პროაქტიული გამოქვეყნების წესის დამტკიცების შესახებ.  
მომხსენებელი: ამირან კინწურაშვილი - მერიის ადმინისტრაციული სამსახურის უფროსი.
3. ხონის მუნიციპალიტეტის მერიის შეზღუდული შესაძლებლობის მქონე პირთა საკითხებზე მომუშავე საბჭოს დებულების დამტკიცების შესახებ.  
მომხსენებელი: თამრიკო ჩხენკველი- მერიის სოციალური სამსახურის განყოფილების უფროსი.
4. „ხონის მუნიციპალიტეტის ბიუჯეტიდან „სოციალური დახმარების გაცემისა და მიღების პროგრამი”-ს დამტკიცების შესახებ ხონის მუნიციპალიტეტის საკრებულოს 2017 წლის 4 მაისის №11 დადგენილებაში ცვლილების შეტანის შესახებ.  
მომხსენებელი: თამრიკო ჩხენკველი- მერიის სოციალური სამსახურის განყოფილების უფროსი.

სხდომის დაწყებამდე დეპუტატმა ლევან ბობოხიძემ გააკეთა განცხადება, როგორც მან აღნიშნა სხვადასხვა სამსახურში არიან დასაქმებული ადამიანები, რომლებიც ხელფასს იღებენ, მაგრამ სამუშაო ადგილზე არ იმყოფებიან. საკრებულოს თავმჯოდმარის თქმით მსგავსი რამ არ ხდება და მეტი სიცხადისთვის დეპუტატს ინფორმაციის გადამოწმება ურჩია.

საკრებულოს წევრების მიერ სხდომის დღის წესრიგის პროექტის მიმართ შენიშვნები არ დაფიქსირებულა, სხდომის თავმჯდომარემ კენჭი უყარა დღის წესრიგის პროექტს:

მომხრე — 21

წინააღმდეგი — არცერთი

მიღებული განკარგულება ოქმს თანერთვის.

დღის წესრიგის პირველი საკითხი: ხონის მუნიციპალიტეტის ვებგვერდის დებულების დამტკიცების შესახებ. საკრებულოს წევრებს გააცნო და მოხსენებით წარსდგა ამირან კინწურაშვილი მერიის ადმინისტრაციული სამსახურის უფროსი.

დეპუტატმა შორენა ჭოლოვავამ დასვა შეკითხვა: რამდენად არის გადამოწმებული ინფორმაცია, რომელიც ვებგვერდზე ქვეყნდება და ვინა არის პასუხისმგებელი პირი?

ამირან კინწურაშვილმა უპასუხა: ყველა ინფორმაცია, რომელიც არის საჯარო ექვემდებარება გამოქვეყნებას და ამას რათქმაუნდა აკეთებს პასუხისმგებელი პირი.

სხდომის თავმჯდომარემ კენჭი უყარა წარმოდგენილ პროექტს: ხონის მუნიციპალიტეტის ვებგვერდის დებულების დამტკიცების შესახებ.

მომხრე - 19

წინააღმდეგი - 0

მიღებული განკარგულება ოქმს თან ერთვის.

დღის წესრიგის მეორე საკითხი: საჯარო ინფორმაციის პროექტიული გამოქვეყნების წესის დამტკიცების შესახებ. საკრებულოს წევრებს გააცნო და მოხსენებით წარსდგა ამირან კინწურაშვილი მერიის ადმინისტრაციული სამსახურის უფროსი.

დეპუტატმა სერგო ჯალაღანიამ დასვა შეკითხვა: საჯარო ინფორმაციის გაცემის მხრივ მერია ყველაზე ჩაკეტილია, ამას ჩემი პირადი გამოცდილებიდან ვსაუბრობ. დიდი ხანია ვითხოვ აუდიტის სამსახურის წლიურ სამუშაო გეგმას, მაგრამ უშედეგოდ. საჯარო ინფორმაციის გაცემაზე პასუხისმგებელი პირი თუ გყავთ მერიაში?

ამირან კინწურაშვილმა უპასუხა: გვყავდა, დღეის მდგომარეობით კი არა, რადგან რეორგანიზაციის პერიოდში დებულებიდან გამომდინარე ახლებურად უნდა მოხდეს აღნიშნული საკითხის მოწესრიგება.

სხდომის თავმჯდომარემ კენჭი უყარა წარმოდგენილ პროექტს: საჯარო ინფორმაციის პროექტიული გამოქვეყნების წესის დამტკიცების შესახებ.

მომხრე - 19

წინააღმდეგი - 0

მიღებული განკარგულება ოქმს თან ერთვის.

დღის წესრიგის მესამე საკითხი: ხონის მუნიციპალიტეტის მერიის შეზღუდული შესაძლებლობის მქონე პირთა საკითხებზე მომუშავე საბჭოს დებულების დამტკიცების შესახებ. საკრებულოს წევრებს გააცნო და მოხსენებით წარსდგა თამრიკო ჩხენკელი მერიის სოციალური სამსახურის განყოფილების უფროსი.

დეპუტატმა სერგო ჯალაღანიამ დასვა შეკითხვა: რით არის განპირობებული ამ საბჭოს შექმნა?

საკრებულოს თავმჯდომარის მოადგილემ კობა კუბლაშვილმა აღნიშნა, რომ შეზღუდული შესაძლებლობების მქონე პირების საკითხებზე მომუშავე საბჭო მერიაში წინათაც არსებობდა.

დეპუტატმა სერგო ჯალაღანიამ აღნიშნა, რომ ადრე იყო კომისია და სხვა კუთხით მუშაობდა, ახლა უნდა შეიქმნას საბჭო კონკრეტულად შ.შ.მ პირებზე.

საკრებულოს თავმჯდომარის მოადგილემ კობა კუბლაშვილმა აღნიშნა, რომ დებულებიდან ჩანაწერი შ.შ.მ პირები უნდა იყოს ამოღებული და ჩაიწეროს განსაკუთრებული საჭიროებების მქონე პირები.

საკრებულოს თავმჯოდმარემ ვალერი ბახტაძემ აღნიშნა, დებულების სათაური ნაცვლად არსებულისა უნდა ჩამოყალიბდეს შემდეგი შინაარსით „ხონის მუნიციპალიტეტის შეზღუდული შესაძლებლობის მქონე პირთა საკითხებზე მომუშავე საბჭოს დებულების დამტკიცების შესახებ“.

დეპუტატმა შორენა ჭოლოკავამ აღნიშნა, რომ შეზღუდული შესაძლებლობების მქონე პირებისთვის რადგან იქმნება საბჭო მაშინ აქ არუნდა იყოს ასაკზე საუბარი მაგალითად მხოლოდ 18-მდე.

საკრებულოს თავმჯოდმარემ ვალერი ბახტაძემ აღნიშნა, რომ აუცილებელია საბჭოს შემადგენლობაში იყო საკრებულოდან რამოდენიმე წევრი.

დეპუტატმა შორენა ჭოლოკავამ აღნიშნა, ვფიქრობ სოციალური კომისიიდან უნდა იყოს ვინმე.

დეპუტატმა ლევან ბობოხიძემ აღნიშნა, რომ ვეთანხმები აზრს იმასთან დაკავშირებით, რომ საკრებულოდან იყოს ვინმე საბჭოს შემადგენლობაში.

დეპუტატმა არსენ ბენდელიანმა გამოთქვა მოსაზრება: ვფიქრობ საკითხი მართლაც მოუმზადებელია, არსებობს ბევრი შეკითხვა, რომელიც პასუხგაუცემელია.

სხდომის თავმჯდომარემ კენჭი უყარა წარმოდგენილი პროექტის მერიისთვის უკან დაბრუნებას:

მომხრე - 19

წინააღმდეგი - 0

საკრებულოს გადაწყვეტილებით პროექტი გამოთქმული შენიშვნებით უკან დაუბრუნდა მერიას.

დღის წესრიგის მეოთხე საკითხი: „ხონის მუნიციპალიტეტის ბიუჯეტიდან „სოციალური დახმარების გაცემისა და მიღების პროგრამი“-ს დამტკიცების შესახებ ხონის მუნიციპალიტეტის საკრებულოს 2017 წლის 4 მაისის №11 დადგენილებაში ცვლილების შეტანის შესახებ. საკრებულოს წევრებს გააცნო და მოხსენებით წარსდგა თამრიკო ჩხენველი მერიის სოციალური სამსახურის განყოფილების უფროსი.

დეპუტატმა შორენა ჭოლოკავამ დასვა შეკითხვა: მუნიციპალიტეტში არის მონაცემები შეზღუდული შესაძლებლობების მქონე პირებზე, მაგრამ ამ ცენტრში ყველა ბავშვი შეიძლება ვერ მივიდეს და ვალდებულიც არ არის. შეიძლება გვყავდეს 50-მდე ამ კატეგორიის ბავშვი აქ ითქვა ტრანსპორტირების ხარჯების შესახებ, მაინტერესებს ჩარიცხვა მოხდება კონკრეტულად ცენტრისთვის?

ლევან ჩიხლაძემ უპასუხა: დიახ თანხა ჩაერიცხება ორგანიზაციას და ის თვითონ გადაწყვეტს რა ტიპის მომსახურეობაში დახარჯავს აღნიშნულ თანხას.

დეპუტატმა შორენა ჭოლოკავამ აღნიშნა: ესეიგი ჩვენ ვეხმარებით ორგანიზაციას რომელიც თანხას გამოიყენებს მაგალითად: კვებაზე, ტრანსპორტირებაზე ან სხვა ღონისძიებებზე.

დეპუტატმა სერგო ჯალაღანიამ დასვა შეკითხვა: არასამთავრობო ორგანიზაციის დაფინანსების უფლება ჩვენ არ გვაქვს, მაგრამ ალბათ სადღაც წერია, რომ ამ კონკრეტულ შემთხვევაში შეგვიძლია. მე მომხრე ვარ, თუმცა მაინტერესებს რა უფლებით ვაკეთებთ ამას? რა დამატებითი რეგულაციებით?

დეპუტატმა არსენ ბენდელიანმა აღნიშნა, რომ უკეთესი იქნება ჩვენ ვიყიდოთ მომსახურეობა და ჩვენ მოვემსახუროთ.

საკრებულოს თავმჯდომარის მოადგილემ კობა კუბლაშვილმა აღნიშნა: ტრანსპორტირებას ვერ ვუზრუნველყოფთ, რადგან სხვადასხვა ადგილებში ცხოვრობენ და ფიზიკურად იქნება შეუძლებელი, ხომ არ აჯობებდა გამოგვეცხადებინა კონკრეტული სხვადასხვა ღონისძიებების მოწყობისათვის.

დეპუტატმა შორენა ჭოლოვავამ დასვა შეკითხვა: ვფიქრობ ცუდი არ იქნება ამ კატეგორიის ადამიანებს, ისე როგორც დიალიზე მყოფ პირებს ყოველთვიურად ჩავურიცხოთ თანხა. რა სახის ღონისძიებას გეგმავთ, რისთვის გჭირდებათ ეს თანხა?

დეპუტატმა არსენ ბენდელიანმა აღნიშნა, რომ ეს თანხა მოხმარდება კვებას, ტრანსპორტირებას, ის რაც არის (250 ლარი) საკმარისი არ არის.

დეპუტატმა შორენა ჭოლოვავამ აღნიშნა, რომ მომხრე ვარ თუმცა იურიდიულად ეს არ არის გამართული, პროექტი გაუგებარია და საჭიროებს დახვეწას.

სხდომის თავმჯდომარემ კენჭი უყარა წარმოდგენილ პროექტს: „ხონის მუნიციპალიტეტის ბიუჯეტიდან „სოციალური დახმარების გაცემისა და მიღების პროგრამი”-ს დამტკიცების შესახებ ხონის მუნიციპალიტეტის საკრებულოს 2017 წლის 4 მაისის №11 დადგენილებაში ცვლილების შეტანის შესახებ.

მომხრე - 16

წინააღმდეგი - 0

მიღებული დადგენილება ოქმს თან ერთვის.

სხდომის დასრულების შემდეგ დეპუტატმა შორენა ჭოლოვავამ გააკეთა განცხადება, რომ სოფელ დედალაურში არის რკინის ხიდი, რომელსაც სახელურები არ აქვს იქნებ მოხდეს ამ პრობელმის მოგვარება.

დღის წესრიგით გათვლისწინებული საკითხების ამოწურვასთან დაკავშირებით სხდომის თავმჯდომარემ სხდომა დახურულად გამოაცხადა.

საკრებულოს თავმჯდომარე: ვალერი ბახტაძე

სხდომის მდივანი: ჭ. გუგუაძე მაია ბობოხიძე